

Э в г о г а р д в р

Сарпинск района Сарпинск МЖС-н гардачнрт заргъ бърдж бичгдсн кесг эригъс ах органсур болн МЖС-н кӧдлмшч комитетур ордж ирцхәнә. Шидр эн МЖС-т кӧдлмшчрин болн цергләчрин олна хург болв. Эн хург деер МЖС-н гардачн — директор ур И. Кусайлон тускар кесг гашута үгмүд келгдв.

МЖС-н гардач — директор ур И. Куйир му бәәрнд бәәцхәнә. МЖС-н директор Кусайло кӧдлмшчнриг эврәнн дурарн, эврәнн келсәрн бәәлгъхәр седнә. Келхд, шофермүд Белинов болн Щербаков хойрин джалвас хаджгър кевәр мӧнъг бърдж авх зӧв бухгалтер директор ӧгч, тракторн бригадин учетчик Месаловд кӱч-кӧслә ӧдрин 40 процент тату бичгддж. МЖС-н кӧдлмшч Утешовас бас хаджгър кевәр джалвасн мӧнъг бърдж авчкәд, терүгән ода кӱртл энүнд хәрү ӧгәд уга. Цуг эн тоот йовдлмудиг Кусайлон закврар совхозин ах бухгалтер кедж.

Эн МЖС-д кадрар тӧр кегдхш, кӧдлмшт орад-гарад бәәдг улсин тонь йир оln, келхд, эн зунин дунд — кӧдлмшин гӱргү цагла — 30 гар кӱн кӧдлмшәсн гаргьгддж. Эдн дотр, МЖС бӱрдснә тӱрүн ӧдрәсн авн кӧдлжәцхәсн үүрмүд Мухарьямов, Толмачов, прораб Соколов, Щербаков болн нань чигн улс. Тер мет совхозин ах прораб ур Зыбин бас кӧдлмшәсн гаргьгдх болсн шиидвр директор белдж.

Директорин бичсн закврмудт, «тосхлтд харшлсндн, кӱч-кӧлснә диг-дара эвдсндн, директорин заквр эс кӱцәсндн, әрк уусндн» — гидж тер кӧдлмшәсн гаргьгдсн улсин тускар бичәтә бәәнә. Тер хоорнд, директор бийн болхла, әмтнлә дегд модьдн, кӧдлмшчнриг кӱндлхш, цугбар-жъинь әәлгъхәр бәәсәр кӱүнднә. «Кӧӧдж уга кенәв, ялтанав, заслнәв» — директорин келдг ним үгмүдиг кӧдлмшчр Беликов, Денисов, МЖС-н библиотекарь Антонова болн нань чигн улс хург деер чирацдж келцхәв.

Эврәнн бәәрн кӧдлмшчнрән кӧдлмшәсн гаргьчкәд, әнд-тендәс йовсн, болх-болшго улс нәәмәдлдж эн МЖС-д кӧдлмш кегднә.

Им дуту-дундс гардгин нег учрн — кӧдлмшчнр болн цергләчнр дунд культури-цәәлгъврин кӧдлмш кегдхш, кӱч-кӧлсчнр кергтә тоот хотхооларн, ховц-хунрарн гӱүлгәнә халхар теткгдхш, оln хот уудг герт негхн зӱсн хот кегднә, тиигчкәд чинриг йир му.

Эн джил Сарпинск МЖС 50 хальмг ӧрк-бӱл эврәнн газртан бәәршӱлдж, кӧдлмшәр, бәәх герәр теткх зӧвтә гидж танъгъчин кӱцәгч комитетин шиидвр гарла. Тер шиидвр кӱцәгдсми уга — әнд нег чигн хальмг ӧрк-бӱл бәәршӱлгдсми уга.

Оln дунд цәәлгъврин кӧдлмш әнд кегдхш, эрсин газет хая-хая гарна, кемр газетд, муугъар гардсн гардачнриг шалгьддж бичхлә, тиим йовдл ур Кусайлод таасгдхш. Улгӱрн келхд, 1958 джилин сентябрин 1-д гарсн «Механизатор» гидг 4-ч номертә эрсин газет, партийн организацин болн редколлегин хәләврт таасгддж гарла. Болв эн газет удан ӧлгәтә бәәсн уга. Энүг директор ур Кусайло, дарунь авч хайтн гидж закад, авхулв. Тиигчкәд ур Кусайло, эрсин газетин редколлегин член, ур Антонович дуудулад, зӧвәр мӧшкв: «Тосхлтин кӧдлмш муугъар йовджана, директор терүнд оньг ӧгчәхш гидж юн учрар газет бичдг улсвт, мини нер юнъгад гутахар бәәдг улсвт...» — иим бәәдлтәгъәр директор кӱүндврән әклв.

Кӧдлмшчнриг эс кӱндлдгәрн, теднлә эс тооллцдгәрн, МЖС-н ах агроном И. Свиридов, кӧдлмшч комитетин ахлч С. Павлов эдн бас эврәнн директор Кусайлогъас холд одсми уга.

Цуг эн тоот дуту-дундс, МЖС-н кӧдлмшчнрин болн цергләчнрин заргъ бърдж келлгъәр үнн болдж гарчәхн, шӱүддж-шалгьддж хәләлгънәс млджгдв.

Кезә кӱртл ним-бийәрн бий кесн, оln-әмтнә сә хәәдго улс советск предприять гарддж, эврәнн йосан делгрӱлцхәхмб?

Б. БОЛДЫРЕВ.